



Uunga siunnersuut: Soraarnerussutisiaqarnissamat pinngitsoorani aaqqissuussineq pil-lugu Inatsisartut inatsisaat nr. xx, xx 2016-imeersoq.
(Aningaasaqarnermut Aatsitassanullu Naalakkersuisoq)

Demokraatini nuannaarutigaarput nunami maani utoqqartattat atugaat oqallisigissallugit periarfissaqaratta aamma isumalluarfigaarput Naalakkersuisut ukiorpassuit siumut takorluuillutik siunnersuuteqarmata qulaani allassimasutut ittumik qularnaarumallugu maani innuttaasut aningaasanik ileqqaarnissaat utoqqaligunik inuussutigisinnaasaminnik.

Akilerartarnermut Tunguinernullu Isumalioqatigiisitap taggiinera naapertorlugu 2030-mi nuna maani utoqqalinersiallit 7.500-rujunngorsimassapput. Peqataanik sulisinnaasunik taggiineq naapertorlugu 2030-mi sulisinnaasut 37.000-t (18-niik 64-nut ukiullit) 2030-mi ikileriarsimasussaapput 35.000-t missaannut. Kisitsisini taakkunani ilaatinneqanngillat ullumikkut nunatsinnut nuussimasut qimagussimasullu assigiinngissutaat aamma ilaatinneqanngilaq sulisinnaasut akornanni inuit qasserpiaat suliffeqarnersut. Tassa imaappoq kisitsit isumalluarnartut kisimik pineqarput.

Kialluunniit takusinnaavaa tunguineq ullumikkut neqeroorutigisinnaasarpur amerlasuutigut naammaqqajanngitsoq aamma ullutsinni utoqqaat atugaat tunngavigalugit, taava allatut ajornartumik innuttaasut kajumissaartariaqarpagut namminneq ileqqaqqullugit.

Kisianni taamatut iluarsartuussiniarnitsinni innuttaasut ikiorlugit utoqqaligunik atugarissaarnerulernissaannut taava aamma peqataanik isumagisariaqarparput neqeroorutigut atuuttut naammattumik pitsaassuseqassasut, maannakkut sualummillu siunissami aamma pisortani utoqqarnik isumassuinissaq upalungaarsarfigissagippur.

Soraarnerussutisiat pillugit iluarsartuussinerup ima iluaqusiippur, soraarnerit aapparmik akissarsiaannik isumalluuteqartariaarunnikuuppur nammineq atugassaat eqqarsaatigalugit, kisianni utoqqarnut suli pitsaanagerusumik aaqqiisoqarsinnaavoq - piffissap ungasissoq isigalugu eqqarsarutta nutaanillu suliniuteqarluta?

Aap, Demokraatini isumaqarpugut maannakkut siunnersuutaasoq assersuutissaasoq pitsaasoq. Aningaasat ileqqaakkagut amerlaneruppata taava ajunnginnerusumik utoqqartut inuussaagut.

Apeqqutigerusummerpara, ullutsinni utoqqarnik paaqqutarinninneq qanoq innersoq?

Nalunngilara utoqqaat illuini piginnaasat inissallu amingartut utoqqalinerup kinguneranik anersaakkut sanngiillisut, imigassamik pssuteqartumik aamma naliginnaasumik anersaakkut sanngiillisut ikiornissaannut.



Nalunngilara utoqqaat illuini sulisorpassuit aamma angerlarsimaffinni ikiortit, socila aamma sundhedsassistentit ullumikkut ilungersortut ikiortigisinnaasaminnik suleqateqalerumallutik aamma sulliviit kusanartunik avatangiisillit aamma tassani inissaqartillugu utoqqarnik oqaloqateqarsinnaaneq, utoqqarnik nuannaqateqarsinnaaneq ilaalu ilanngullugit. Pingaaruteqarpoq Naalakkersuisutta aamma oqaatigissammasuk, pitsanngorsaatissanut, immikkoortup annertusarnissanut aamma innuttaasut iluaquserniarlugit il.il. pitsanngorsaanissanut sunik pilersaaruteqarnerlutik aamma pisariaqarpoq nassuiassammasuk sooq pinngitsoorani soraarnerussutisiaqalernissamut ileqqaqqusilluni suliniuteqarneq pitsaasuunersoq.

Pinngitsoorani soraarnerussutisiaqalernissamut ileqqaarnerup siunertaraa paaqqinnittarfinni inissat aamma utoqqaat illui pisariaqartinneqartut sananeqarsinnaanngornissaat aamma siunissami ingerlannissaannut akissaqarnissarput. Suliniut pitsaasuuvoq aamma nammineq utoqqalinissamut akisussaaneq inaalinneqassammat ataasiakkaanut maaniittunut kisiannili aamma qularnaarneqassaaq peqqinnissaqarfimmut aningaasartuutit amerleriaataat, paaqqinninnermut il.il. aamma siunissami akissaqartinneqarnissaat. Maannakkut akisussaassuseqarluta pisariaqarpugut qularnaarumallugu nunap matumap utoqqaliffissatut pitsaasuunissaa, siunissami.

Aamma innuttaasut kattuffinnut aalajangersimasunut ilaasortaasut aamma aalajangersimasumik suliffillit soraarnerussutisiaqalernissamut isumaginnilluartunik kiisalu - allat soraarnerussutisiaqalernissaminnut aaqquissuussiffiqarsimannngitsut akornanni assigiinngissutsit millisarneqassapput. Apeqqutaassanngilaq sulerisuuneq, pitsaanerpaamik siunnersorneqarsimaneq taamaasillunili pitsaanerusunik soraarnerussutisiaqarnissaq - aamma pitsaanerusumik utoqqalilluni inissisimalernissaq. Taamaattumik pitsaasuuvoq pinngitsoorani soraarnerussutisiaqalernissamut ileqqaarnissap qularnaarnissaa.

Qilanaarpugut siunnersuutip misissorluarnissanut aamma taamaattumik siunnersuut oqallisigeqqitassanngorlugu Aningaasaqarnermut Akileraartarnermullu Ataatsimiititaliamut innersuussutigissavarput.

Qujanaq oqaaseqarsinnaagama.